

**Bosna i Hercegovina
Ministarstvo odbrane/obrane**



Broj: 06-50-5252-1/11
Sarajevo, 18.01.2012. godine

**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM**

**Босна и Херцеговина
Министарство одбране**

**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO**

01/a-50-1

25.01.2012

Organizaciona jedinica	Klasifikaciona oznaka	Redni broj	Broj prijema
01-50-1-15-16/11			

01-01-2012

PREDMET: *Odgovor na poslaničko pitanje*

VEZA: Vaš akt, broj: 01/a-50-1-15-16/11 od 27.12.2011. godine

Na 16. sjednici Predstavničkog doma Parlamentarne skupštine Bosne i Hercegovine, održanoj 22. decembra 2011. godine, poslanik Boško Tomić je Ministarstvu odbrane Bosne i Hercegovine postavio pitanje sljedeće sadržine:

“Šta je Ministarstvo poduzelo na pronalaženju lica koja su otuđila eksploziv i naoružanje iz skladišta i da li je pokrenut postupak protiv odgovornih i zaduženih za čuvanje vojne opreme, kao i protiv njihovih pretpostavljenih?”

U skladu sa članom 155. stav 3. Poslovnika Predstavničkog doma („Službeni glasnik BiH“, br. 33/06, 41/06, 81/06, 91/06, 91/07 i 87/09), odgovor na postavljeno pitanje dostavljamo u pisanoj formi u prilogu akta.

S poštovanjem,

Prilog: kao u tekstu

Dostavljeno:

- naslovu
- a/a



MINISTAR

dr. Selmo Cikotić

ODGOVOR NA POSLANIČKO PITANJE

Ministarstvo odbrane Bosne i Hercegovine i Oružane snage Bosne i Hercegovine (MO BiH i OS BiH) su u svim slučajevima otuđenja naoružanja, municije i minsko-eksplozivnih sredstava (MES) blagovremeno obavijestili nadležne organe radi provođenja uviđajnih, istražnih i daljih zakonom propisanih radnji. Iz svoje nadležnosti, MO BiH i OS BiH su u svim slučajevima utvrđene odgovornosti pripadnika OS BiH za otuđenje vojne imovine i propuste u obavljanju dužnosti pokrenuli postupke i izrekli disciplinske mjere i kazne.

U nastavku je prikazan pregled utvrđenih slučajeva otuđenja naoružanja, municije i MES u 2011. godini, sa poduzetim aktivnostima i izrečenim disciplinskim mjerama i kaznama:

1. Otuđenje municije (6.860 kom. 7,62 mm, 1.751 kom. 9 mm i 1.744 kom. 9,13 mm) i 40 ručnih bombi na lokaciji "DAM" Busovača, 20.01.2011. godine.

Istražne radnje su u toku. Iste provode Tužilaštvo Srednjobosanskog kantona i civilna policija, u saradnji sa Vojnom policijom OS BiH. Tužilaštvo Srednjobosanskog kantona pokrenulo je istragu protiv 9 pripadnika OS BiH. Do sada nisu utvrđeni počinilac/počinioci ovog djela.

Pokrenut je disciplinski postupak i zbog utvrđenih propusta u obavljanju dužnosti izrečene su sljedeće disciplinske mjere i kazne pripadnicima OS BiH:

- disciplinska mjera "opomena" komandantu 8. bataljona logističke podrške (8.bLP), izvršnom oficiru 8. bLP, 1 rukovaocu materijalno - tehničkim sredstvima (MTS) u 8.bLP i 1 pripadniku 5. pješadijske brigade (5. pbr.),
- disciplinska mjera "ukor" komandantu lokacije i 3 pripadnika 5. pbr.,
- disciplinska kazna "smanjenje plaće od 21% u trajanju 4 mjeseca" 1 rukovaocu MTS u 8.bLP i 1 pripadniku 5. pbr.,
- disciplinska kazna "smanjenje plaće od 25% u trajanju 8 mjeseci" 2 pripadnika 5. pbr.,
- disciplinska kazna "zaustavljanje napredovanja u službi i unapređenja u trajanju od 1 godine" 1 podoficiru 5. pbr.

2. Otuđenje 3 automatske puške M16A1 i 3 pištolja TT33/TTM30 na lokaciji "Rajlovac" Sarajevo, 08.03.2011. godine.

Istražne radnje provedene su od strane Okružnog tužilaštva Istočno Sarajevo, Policijske stanice Pale, kantonalnog tužioca Kantona Sarajevo i SIPA, u saradnji sa Vojnom policijom OS BiH. Istražnim radnjama je pronađeno otuđeno naoružanje i utvrđena odgovornost 2 pripadnika OS BiH.

Pokrenut je disciplinski postupak i zbog utvrđenih propusta u obavljanju dužnosti izrečena je disciplinska kazna "prestanak profesionalne vojne službe" 1 pripadniku OS BiH i disciplinska kazna "zaustavljanje napredovanja u službi i unapređenja u trajanju od 1 godine" 1 pripadniku OS BiH. Protiv lica otpuštenog iz OS BiH u toku je krivični postupak koji vodi Tužilaštvo Bosne i Hercegovine.

3. Otuđenje 2 minobacačke mine 120 mm, 4 minobacačke mine 60 mm i 3 metka 76 mm na lokaciji "Bačevići" Mostar, 13.04.2011. godine.

Istražne radnje su u toku. Iste provodi Tužilaštvo Hercegovačko-neretvanskog kantona, u saradnji sa Vojnom policijom OS BiH. U dosadašnjim istražnim radnjama nije utvrđena odgovornost pripadnika OS BiH i nije bilo pokretanja disciplinskog postupka.

4. Otuđenje 47 pištolja CZ 999 na lokaciji "TBT" Visoko, 02.12.2011. godine.

Istražne radnje su u toku. Iste provode Tužilaštvo Bosne i Hercegovine i SIPA, u saradnji sa Vojnom policijom OS BiH.

Pokrenut je disciplinski postupak i zbog utvrđenih propusta u obavljanju dužnosti izrečene su disciplinske kazne "udaljenje sa dužnosti" za komandanta lokacije i 1 rukovaoca MTS. Upućen je prijedlog iste disciplinske kazne za komandanta Glavne logističke baze. Disciplinski uviđaj u ovom slučaju otuđenja vojne imovine je još uvijek u toku.